

阿毗達磨大毗婆沙論卷第一百一

沛一

五百大阿羅漢等造 三藏法師玄奘奉 詔譯

智蘊第三中他心智納息第三之三

傍生趣亦有生處得智能知他心等云何知然昔  
然昔有女人置兒一處作餘事業時有一狼  
持其兒去傍人爲逐語彼狼言汝今何緣將

他兒去狼遂報曰其母過去五百生中常害  
我子我亦過去五百生中常害彼子怨怨相  
報于今未息彼若能捨我亦捨之傍人便告  
彼兒母曰汝若惜子當捨怨心女人報言我  
已捨矣狼觀女意都不捨怨但恐害兒妄言  
已捨遂害其子捨之而去問傍生何時知他  
心等答初中後位皆悉能知問彼住何心知  
他心等善耶染污耶無覆無記耶答  
能知問爲住意識爲住五識知他心  
等答惟住意識問爲住感儀路心爲住工巧  
處心爲住異熟生心知他心等答三種皆能  
住意識問爲住感儀路心爲住工巧處心爲  
住異熟生心知他心等答三種皆能知彼亦  
現起工巧處心故彼異熟生心意識亦有故

非如地獄決定不受善異熟果

鬼趣亦有生處得智知他心等云何知然昔  
有女人爲鬼所魅羸瘦將死呪師問鬼汝今  
何爲惱此女人鬼便報言此女過去五百生  
中常害我命我亦過去五百生中常害彼命  
怨怨相報于今未息彼若能捨我亦捨之呢

師因報彼女人曰汝若惜命當捨怨心女人  
報言我已捨矣鬼觀女意都不捨怨恐命不  
全妾言已捨遂斷其命捨之而去問鬼趣何  
時知他心等答初中後位皆悉能知問彼住  
何心知他心等善耶染污耶無覆無記耶答  
三種皆能知問爲住意識爲住五識知他心  
等答惟住意識問爲住感儀路心爲住工巧  
處心爲住異熟生心知他心等答三種皆能  
知如傍生趣說

天趣亦有生處得智知他心等然微細故不  
別說之餘如傍生鬼趣廣說人趣中無生處  
得智知他心等所以者何非田器故有勝觀

相聞語智等所覆揜故有他心通及願智等  
所暎蔽故問誰生處得智知幾趣心耶有作  
是說各惟自知復有說者地獄惟知地獄傍  
生知二鬼趣知三天趣知五施設論說袁羅  
棧擎善住龍王知天趣者是比相智知非生  
處得智沛一評曰應作是說於四趣中生處得智

各知五趣於理無違問人趣亦有本性念生  
智類應能知他心等何故不說答應說而不  
說者當知此義有餘復次少故不說謂人趣  
中得此智者極少有故而不說之有作是說  
本性念生智類不能現知他心心所法故說  
不說

有他心智亦現知他心心所法謂若智修所  
成是修果依止修已得不失能現知他現在  
欲色界心心所法或無漏心心所法此是現  
在他心智通廣如前釋有非他心智亦非現  
知他心心所法謂除前相相謂所名乃至廣  
說謂行蘊中摠除三世他心智通及除現在

覩相聞語生處得智能現知他心心所者諸  
餘行蘊及四蘊全并無爲法作第四句

諸宿住隨念智皆現憶知諸宿住事耶答應  
作四句此中宿住隨念智通三世現憶知諸  
宿住事者惟現在然通宿住隨念智及非宿  
住隨念智故有四句有宿住隨念智非現憶  
知諸宿住事謂過去未來宿住隨念智此有  
宿住隨念智相而無現憶知諸宿住事用謂  
過去者作用已滅故未來者未有作用故有  
現憶知諸宿住事非宿住隨念智謂如有一  
得本性念生智或得如是生處得智能現憶  
知諸宿住事本性念生智現憶知宿住事者

沛一

三

惟人趣有餘四趣中無此智故生處得智能  
現憶知諸宿住事者謂地獄等有其事云何  
且地獄中如契經說地獄有情互相謂言奇  
哉自誤我等過去曾聞沙門婆羅門說諸欲  
過患能引未來可怖畏事汝等應斷我等雖  
聞而不信用今因彼欲受斯劇苦問彼於何

時憶宿住事答初生地獄未受苦時若受苦

已次前滅事尚不能憶況久滅事而能憶知問彼住何心憶宿住事答住善染污無覆無記皆能憶知於六識中惟住意識於三無記中唯住威儀路問彼生處得智能憶知幾生答能憶知一生謂從彼歿來生此者有說乃

至知五百生傍生趣有生處得智能現憶知宿住事者如契經說有螺音狗昔爲梵志名刀提耶憶宿住事子令昇座食飯示寶皆隨其言問於何時憶宿住事答初中後位皆能憶知問彼住何心憶宿住事答住善染污無覆無記皆能憶知於六識中惟住意識三無記中通住三種問彼生處得智能憶知幾生有作是說惟憶一生謂從彼歿來生此者評曰

我獨受貧苦  
問彼於何時憶宿住事答初中後位皆能憶知問彼住何心憶宿住事答住善染污無覆無記皆能憶知於六識中惟住意識三無記中通住三種問彼生處得智能憶知幾生有作是說惟憶一生謂從彼歿來生此者評曰應作是說能憶多生如鬼憶知五百生事天趣亦有生處得智能現憶知宿住事者如伽他說  
我施誓多林 蒙大法王住 賢聖僧受用故我心歡喜  
問彼於何時憶宿住事答初中後位皆能憶知問彼住何心憶宿住事答住善染污無覆無記皆能憶知於六識中惟住意識三無記中通住三種問彼生處得智能憶知幾生有作是說惟憶一生謂從彼歿來生此者評曰應作是說能憶多生人趣中無生處得智憶宿住事非田器故爲本性念生智等所摸覆

故爲宿住隨念通及願智等所喫蔽故  
有宿住隨念智亦現憶知諸宿住事謂若智  
修所成是修果依止修已得不失能現憶知  
諸宿住事種種相狀及所言說此是現在宿  
住隨念智通廣如前釋有非宿住隨念智亦  
非現憶知諸宿住事謂除前相謂所名乃  
至廣說謂行蘊中揔除三世宿住隨念智通  
及除現在本性念生智生處得智能現憶知  
宿住事者諸餘行蘊及四蘊全并無爲法作  
第四句

諸宿住隨念智皆知他過去蘊處界心相續  
耶答應作四句此中初句是緣自相續宿住  
隨念智第二句是緣他相續願智及宿住隨  
念智加行第三句是緣他相續宿住隨念智  
第四句是緣自相續願智及宿住智加行是  
謂此處略毗婆沙有宿住隨念智非知他過  
去蘊處界心相續謂若智修所成是修果依  
止修已得不失知自前生過去蘊處界心相

沛一

五

續此即緣自相續宿住隨念緣過去生自  
宿住事故有知他過去蘊處界心相續非宿  
住隨念智謂若智修所成是修果依止修已  
得不失知他此生過去蘊處界心相續此即  
緣他相續願智及宿住智加行緣現在生他  
過去事故有宿住隨念智亦知他過去蘊處  
界心相續謂智修所成是修果依止修已得  
不失知他前生過去蘊處界心相續此即緣  
他相續宿住隨念智緣過去生他宿住事故  
有非宿住隨念智亦非知他過去蘊處界心  
相續謂若智修所成是修果依止修已得不  
失知自此生過去蘊處界心相續此即緣自  
相續願智及宿住隨念智加行緣自此生過  
去事故此中願智惟緣此生過去諸有漏法  
宿住隨念智惟緣前生過去諸有漏法宿住  
隨念智加行亦惟緣此生過去諸有漏法然  
諸願智通緣三世此中惟取緣此生過去有  
漏法者

問前所說本性念生智以何爲自性答以慧爲自性是謂本性念生智自性我物自體相分本性已說自性所以今當說問何故名本性念生智本性念生智是何義耶答生謂前生諸有漏法智謂此生能知彼智念謂生智俱生勝念言本性者簡別修得即本性智由勝念力知過去生諸有漏法故名本性念生智復次住本性心由勝念力發起此智知過去生諸有漏法故名本性念生智本性心者謂善染污無覆無記不由修得故名本性復次本性者謂諸法自性即過去生諸有漏法自性智由念力知本性生故名本性念生智復次本性者謂前際法性即過去生有漏法性智由念力知本性生故名本性念生智

此體是慧而念力增故名本性念生智闡此本性念生智在何界有答惟欲界有問此本性念生智在何趣有答惟人趣有所以者何惟欲界人趣中能造殊勝業引得此智故又人趣中智慧猛烈勝餘趣故問此本性念生智由何業力而引起耶有作是說若諸有情喜作愛語令他歡喜由彼業力能引此智復有說者若諸有情喜傳好事令他心悅身得安樂由彼業力能引此智有餘師說若諸有情見他惶怖方便慰喻爲作歸依令得無畏由彼業力能引此智或有說者若諸有情見他愁惱以法開喻令得無憂由彼業力能引此智有餘復說若諸有情見險隘處修令寬博使往來者無有艱難由彼業力在母腹中無迫迮苦故得此智或有餘說若諸有情施他種種美妙飲食由彼業力能引此智評曰應作是說若諸有情不造惱害他業恒作饒益他事由斯業故在母腹中不爲風熱痰癰

病等之所逼切後出胎時無迫迮苦是故能憶諸宿任事故有是說若諸有情住在母腹及出胎時不受衆病迫迮苦者皆應能憶過去生事但由母病及迫迮苦皆悉忘之間此本性念生智初中後時何者爲勝答此不決定謂或有初生時勝如世跋羅等初生之時

沛一

七

便作是說今此家中頗有財物令我隨意行布施耶或有中年時勝如尊者護國等或有老年時勝如菴婆瑟欝等廣說如契經

問此本性念生智能憶幾生事耶有作是說惟能憶一生事謂從彼歿來生此者或有說此能憶二生或乃至七生事如王舍城內有一屠兒名曰伽吒是未生怨王少小知友曾白太子汝登王位與我何願太子語言當恣汝請後未生怨害父自立伽吒於是從王乞願王便告曰隨汝意求伽吒白言願王許我王舍城中獨行屠殺王遂告曰汝今云何求此惡願豈不怖畏當來苦耶屠兒白王諸

善惡業皆無有果何所怖畏王遂告曰汝云何知伽吒白王我憶過去六生於此王舍城中常行屠殺最後生在三十三天多受快樂從彼天歿來生此間少小與王得爲知友故知善惡其果定無王聞生疑便往白佛佛告王曰此事不虛然彼屠兒曾以一食施與獨覺發邪願言使我常於王舍城內獨行屠殺後得生天由勝業因果遂其願彼先勝業與果今盡却後七日定當命終生號叫地獄次第受先屠業苦果是故此智極知七生復有說者此極能憶五百生事謂有苾芻自憶過去五百生中墮餓鬼趣念彼所受飢渴苦時遍身流汗深心怖惱息諸事業精進熾然後經多時得預流果彼作是念我從先來賴諸苾芻濟惠資具令我所怖已得永滅今應追覓諸資身具以酬先恩作是念已處處求覓諸資身具時諸苾芻見而詣曰汝先少事今何故多彼遂爲他具說本事復有苾芻自憶

過去五百生中墮地獄趣念彼所受地獄苦時諸毛孔中遍皆流血身及衣服非常臭穢每日詣水澡浴浣衣衆人謂之計水爲淨彼息事業精進熾然經於多時證阿羅漢於後不數澡浴浣衣衆人恠問彼亦爲他具說本事由此故知此智憶念極五百生有餘師說

沛一

八

此智能知過去壞劫及成劫事謂佛往昔爲菩薩時爲化有情發大誓願有時曾作旃荼羅王名曰三鉤善通一切書論呪術余時阿難作彼王子名師子耳顏白端正世所絕倫時舍利子作婆羅門名曰池堅善通明論及諸眷屬彼有一女名爲貞潔容白端嚴衆所

樂見時王往詣婆羅門所爲子求婚池堅大忿白彼王言汝諸姓中最爲卑賤我是梵志諸姓中尊何緣來此故相輕辱時王遂告婆羅門言族姓尊卑亦無常定汝何見忽而自矜高汝頗曾聞諸梵書字是誰所造池堅報曰我聞古昔有婆羅門名瞿頻陀是彼所造

王曰彼時瞿頻陀者即我身是汝又頗聞佐盧瑟吒書字是誰所造婆羅門曰我聞古昔有大仙人名佐盧瑟吒是彼所造王曰彼時大仙人者即我身是王又問言汝頗曾聞諸吠陀論及彼眷屬世俗書等是誰造耶婆羅門言如是如是部黨書論即是彼彼諸婆羅

門仙人等造王又報言彼皆是我昔時名字汝頗知耶如何汝今自矜見蔑池堅於是一推徵知王所言是實非謬深心敬慕遂許王婚由此故知此智能憶過去世劫成壞事如契經說佛告邑主我自憶念過去九十一劫以來於淨戒田施飲食等嘗無廢闕又亦

沛一

九

不憶爲飲食等於戒毀傷問出尊爲以宿住隨念智憶知此事爲以本性念生智憶知此事設余何失若以宿住隨念智憶知此事何故但憶九十一劫而不多耶若以本性念生智憶知此事何故前說有說此智惟憶一生有說憶二乃至極七生有說憶五百生有說

憶劫成壞而不說能憶九十一劫耶答應你是說世尊以宿住隨念智憶知此事問若余何故但憶九十一劫而不憶多答實能憶多且說余許問若余何故不說憶多脇尊者曰一切生疑若說憶多若說憶少皆生疑問故隨事說於理無違不應責問復次從彼建立七佛世尊是故偏說復次從彼以來修相好業故偏說之復次從彼以來業道清淨不墮惡趣恒受男身常憶宿住是故偏說復有說者世尊以本性念生智憶知此事問若余何故前說有說惟憶一生乃至有說憶劫成壞而不說能憶九十一劫耶答前說餘人能憶

旣有本性念生智於最後生爲亦有不設余何失若有者云何緣力非勝因力耶若無者云何菩薩非轉衰退答應作是說菩薩最後身亦有本性念生智問若余云何緣力非勝因力耶答非無緣力者名有內因力乃以利根故名有內因力謂此菩薩於諸有情根性最勝名有因力又誰說菩薩無緣力耶有淨居天現老病死覺發菩薩說讚涅槃頌覺發菩薩力又鹿釋女爲菩薩說讚涅槃心亦是緣力如說欣涅槃心亦是緣力如說不叉汝當得安樂以爲母無憂以爲父寂滅以爲妻

沛一

十

菩薩見聞如是事已既增歡欣踰城出家又過去生有無量佛爲菩薩說菩提資糧諸如是等皆名緣力有作是說菩薩最後身無本性念生智問若余云何非轉衰退答雖無此有中事所以者何若不憶知此智知境應成間雜謂少分能知少分不知故問菩薩前生退評曰應知此中前說應理從九十一劫恒

有此智故

云何時愛心解脫乃至廣說問何故作此論答爲欲分別契經義故謂契經說佛告阿難苾芻不應樂與衆聚耽諸戲論若樂衆聚耽戲論者能證時愛心解脫及不動心解脫無有是處若諸苾芻不樂衆聚不耽戲論能證

二解脫斯有是處契經雖作是說而不廣釋其義不說此二解脫自性及得因緣根蘊雖說得二因緣不顯自性今欲顯之復次爲止他宗顯正理故謂或有說時愛心解脫是有學有所作不動心解脫是無學無所作爲遮彼意顯二解脫俱是無學更無所作或復有說時愛心解脫是有漏不動心解脫是無漏爲遮彼意顯二解脫俱是無漏復有欲令時愛心解脫是有爲不動心解脫是無爲爲遮彼意顯二解脫俱是有爲由此等緣故作斯論云何時愛心解脫答時解脫阿羅漢盡智或無學正見相應心勝解已勝解當勝解云何

沛一

士

不動心解脫答不動法阿羅漢盡智無生智或無學正見相應心勝解已勝解當勝解此中盡無生智無學正見相應心者簡別有學及有漏心勝解者謂現在已勝解者謂過去當勝解者謂未來此即簡異無爲解脫顯二解脫惟以無學無漏心相應勝解爲自性然一切法中惟有二法是解脫自性謂無爲法中擇滅是解脫自性有爲法中大地法所攝勝解是解脫自性勝解有二種一染污謂貪等相應名邪勝解二不染污謂無貪等相應名正勝解此正勝解復有二種一有漏謂不淨觀持息念無量解脫勝處遍處等相應勝解二無漏謂學無學勝解學勝解者謂四向三果所攝勝解即苦法智忍乃至金剛喻定相應勝解無學勝解者謂阿羅漢果所攝勝解即盡無生智無學正見相應勝解無學勝解復有二種一時愛心解脫即五種阿羅漢果所攝勝解亦名時解脫二不動心解脫謂

不動法阿羅漢果所攝勝解亦名不時解脫此二解脫各有二種一名心解脫離貪愛故二名慧解脫離無明故問若無學勝解離貪愛故名心解脫離無明故名慧解脫者集異門說當云何通如說云何心解脫謂無貪善根對治貪愛云何慧解脫謂無癡善根對治無明耶答集異門論應作是說云何心解脫謂無貪善根相應勝解云何慧解脫謂無癡善根相應勝解應作是說而不說者有別意趣謂依善根顯示勝解若依無貪故心解脫貪愛此相應勝解名心解脫若依無癡故慧解脫無明此相應勝解名慧解脫是故此中二心解脫俱以無學勝解爲自性是名解脫自性我物自體相分本性已說自性所以今當說問何故名時解脫時解脫是何義耶答由彼解脫待時得故時即如前所說六種一不得得好衣時二得好食時三得好卧具時四得好處所時五得好說法時六得好補特伽羅

時待得好衣時者謂彼要得細軟鮮淨勝妙衣服時乃得解脫若不尔者則不得解脫待得好食時者謂彼要得美妙飲食酥蜜等時乃得解脫若不尔者則不得解脫待得好卧具時者謂彼要得厚軟卧具牀縛等時乃得解脫若不尔者則不得解脫待得好處所者謂彼要得寂靜處所勝妙房舍時乃得解脫若不尔者則不得解脫待得好說法時者謂彼要得如理應機教誡教授時乃得解脫若不尔者則不得解脫待得好補特伽羅時者謂彼要得具勝德行稟性柔和易共住者與同住時乃得解脫若不尔者則不得解脫問何故名不時解脫不時解脫是何義耶答由彼解脫不待時得故時即如前所說六種一不得得好衣時者謂彼雖得惡糞掃衣時而能速得解脫勝時解脫者得價直百千兩金衣時不得得好食時者謂彼雖得鹿惡飲食時而能速得解脫勝時解脫者得百味飲食

時不待得好卧具時者謂彼雖得邊鄙卧具石牀等時而能速得解脱勝時解脱者得上妙卧具時不待得好處所時者謂彼雖得憒鬧處所惡房舍時而能速得解脱勝時解脱者得靜妙處所時狀彼誼雜速入定故不待得好說法時者謂彼雖得違理失機教誠教

沛一

十三

授時而能速得解脱勝時解脱者得如理應機教誠教授時狀彼所說速入定故不待得好補特伽羅時者謂彼雖得不具德行爲性很戾難共住者與同住時而能速得解脱勝時解脱者得具德行等與同住時狀彼猥惡速入定故復次依狹小道而得解脱故名時解脫狹小道者謂若極速第一生中種善根第二生中令成熟第三生中得解脱餘不決定依廣大道而得解脱名不時解脱廣大道者謂若極遲聲聞乘經六十劫而得解脱如舍利子獨覺乘經百劫而得解脱如麟角喻佛乘經三無數劫而得解脱復次依羸劣道

而得解脱故名時解脱羸劣道者謂於解脫善品加行不能恒常殷重修故若於日初分修於中後分則不能修若於夜初分修於中後分則不能修雖暫能修而不殷重依強勝道而得解脱故名不時解脱強勝道者與上相違復次依止增道而得解脱故名時解脫依觀增道而得解脱故名不時解脱復次依可引奪道而得解脱故名時解脱可引奪道者謂所修道可爲適意不適意饒益不饒益樂苦資具之所引奪依不可引奪道而得解脱故名不時解脱不可引奪道者與上相違復次依五種種性道而得解脱故名時解脫五種種性道者謂退法種性道乃至堪達法種性道依一種種性道而得解脱故名不時解脫一種種性道者謂不動法種性道此則說五種種性阿羅漢名時解脫不動法種性阿羅漢名不時解脫問因論生論何故前五阿羅漢總立爲一時解脫第六阿羅漢別立

爲一不時解脫耶答有別緣故時解脫多不時解脫少謂依種性施設前五種性名時解脫阿羅漢第六種性名不時解脫故有別緣故時解脫少不時解脫多謂依乘施設惟聲聞乘有時解脫阿羅漢三乘皆有不時解脫阿羅漢故有別緣故二解脫等謂二解脫俱

沛一

十四

離煩惱俱是清淨無學身中聖道攝故復次佛及獨覺到究竟聲聞其數極少諸餘聲聞其數甚多又如世間聰慧者少愚蒙者多又者其數極少諸貧賤類其數甚多又如世間如世間爲善者少作惡者多又如世間正見者少邪見者多又如世間端正者少醜陋者多又如世間調柔者少剛強者多如是前五阿羅漢劣故合名時解脫第六阿羅漢勝故別名不時解脫復次前五阿羅漢世間易得故合立一名時解脫第六阿羅漢世間難得

故別立一名不時解脫如今世人往至那國執師子國還者極少往近聚落還者甚多此亦如是復次前五阿羅漢不多用功力不多設加行不多作意而得故合立一名時解脫第六阿羅漢與上相違故別立一名不時解脫復次前五阿羅漢無增無減故別立一名時解脫第六阿羅漢無增無減故別立一名不時解脫此中增者謂進減者謂退

## 說一切有部發智大毗婆沙論卷第一百一

沛一

**奘** 燕朗 **狼** 音郎 **魅** 眉二反 **羸瘦** 上力垂 **瞷蔽** 反一劣  
上於敬反 **筏擎** 上音伐下尼 **劇苦** 上奇 **反評曰**  
下必祭反 **跋羅** 上蒲 **撊** 二同 **屣** 反

十五末

**謬** 音病 **險隘** 反塞也 **迫迮** 二字音 **瘞瘞** 上音  
高上病音 **陁** 也 **澆澆** 二同 **矜高** 上居陵反 **伎** 音  
反高反 **瑟吒** 上所攝反 **跋** 下作 **瘞** 自大也 **蔑** 莫結反  
苗幼反 **腸** 書北方邊地人書也 **瘞** 輕上也 **蔑** 莫結反  
反 **踰城** 上音俞 **貲糧** 下音 **耽** 丁也 **邊鄙** 良品合

下卑美 反憤鬧 上俱殊 反下故  
邊邑也 教 反心煩亂也  
反猥惡 上烏教 反心煩亂也  
每反狹小 上咸聲 反下故  
交反麟角 上音

很戾

上胡懸  
反下零

阿毗達磨大毗婆沙論卷第一百二 沢二

五百大阿羅漢等造 三藏法師玄奘奉 詔譯

智蘊第三中他心智納息第三中之四

何緣時心解脫名愛耶答時解脫阿羅漢恒於此法殷勤守護寶愛執藏勿我遇緣退失此法如一日人自及親友殷勤守護寶愛執藏勿遇寒熱塵翳等緣令此一日更當失壞彼亦如是故名爲愛謂鈍根者於自功德爲性寶愛過利根者如諸女人於自男女稟性慈愛過諸丈夫復次時解脫阿羅漢於自解脫未得自在多用功力乃能現前既得現前歡喜寶重故名爲愛不時解脫阿羅漢於自

解脫已得自在少用功力即能現前雖得現前而不極重故不名愛復次時解脫阿羅漢功德容退彼畏退故數起現前故名爲愛不時解脫阿羅漢功德無退不畏退故不數現前故不名愛復次時解脫阿羅漢由信增道證故名爲愛不時解脫阿羅漢由慧增道證故不名愛復次時解脫阿羅漢性多調善人多愛樂故名爲愛不時解脫阿羅漢性多剛強人不愛樂故不名愛如今世人人性不利者多分輕善人好親附性不鈍者多分剛猛人不親附復次時解脫阿羅漢無貳背聖道善根故名爲愛不時解脫阿羅漢有貳背聖道善根故不名愛貳聖道善根者謂空空無願無願無相無相三摩地相應善根此本論文雖不問答而義有故今應說之間何緣不時解脫名不動耶答以體殊勝故名不動如今世間殊勝飲食衣服嚴具說名不動不爲劣物格量轉故復次貪等煩惱令諸有情身